



Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna  
Kantonalno tužilaštvo Srednjobosanskog  
kantona/Kantonalno tužiteljstvo Kantona Središnja Bosna  
Travnik

Broj: T06 0 KT 0037910 25

Travnik, 22.10.2025. godine

**OPĆINSKOM SUDU U JAJCU**  
**- Sudiji za prethodno saslušanje -**

Na osnovu odredbe člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, p o d i ž e m

**O P T U Ź N I C U**

**Potvrđena dana 29.10.2025. godine**

**Protiv:**

**Ć. K. (1995)**

**Zbog postojanja osnovane sumnje da je:**

Dana 21.06.2025. godine, oko 07,20 sati, u mjestu Skela, općina Jajce, u namjeri pribavljanja protupravne imovinske koristi, doveo u zabludu oštećenog J. R. na način da je putem „Viber“ aplikacije korisničkog broja \*\*\* stupio u kontakt sa oštećenim na njegov broj:\*\*\*, svjestan da ga lažnim prikazivanjem činjenica dovodi u zabludu što je i htio, te je isti lažno se predstavljajući kao D. R. rođak od oštećenog tražio da mu uplati X-bon u iznosu od 120,00 KM, te je oštećeni u zabludi da je stupio u kontakt sa svojim rođakom D. R. otišao do benzinske pumpe T-OIL d.o.o. A.B. Bušića, općina Jajce, te kupio X-bon serijskog broja:101056434383 u iznosu od 120,00 KM koji je uslikao i putem Viber aplikacije dostavio fotografiju X-bona Ć. K. , nakon čega je u više navrata slao poruke oštećenom da mu kupi još tri X bona u iznosu od 120,00 KM što je oštećenom bilo sumnjivo te je poruke i pozive upućene od istog ignorisao, nakon čega je Ć. K. koristeći dostupne podatke o X- bonu koje mu je dostavio oštećeni X-bon aktivirao u sportskoj kladionici Premier Sport d.o.o. Istočno Novo Sarajevo putem jedinstvenog računa broj:\*\*\*.\*\*\* registriran na ime Ć. K., na koji način je oštetio oštećenog za iznos od 120,00 KM.

Dakle, s ciljem da sebi pribavi protupravnu imovinsku korist doveo koga lažnim prikazivanjem činjenica u zabludu i time ga navede da na štetu svoje imovine što učini,

Čime je počinio krivično djelo prijevare iz člana 294. stav 1. KZ F BiH.

**KANTONALNI TUŽILAC**

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom